



Informacija o stanju vodostaja na vodnom području rijeke Save u FBiH

Sarajevo, 27.3.2018 u 14:00 sati

"Agencija za vodno područje rijeke Save" Sarajevo nastavlja da vrši pojačano praćenje vodostaja na svim vodotocima na vodnom području rijeke Save u Federaciji BiH.

U okviru svojih redovnih aktivnosti svakodnevno detaljno analizira slijedeće podatke:

- Trenutne vodostaje na mreži automatskih vodomjernih stanica na vodnom području rijeke Save u FBiH koje su u vlasništvu Agencije,
- Meteorološku prognozu za naredna četiri dana dostavljenu od strane Federalnog hidrometeorološkog zavoda,
- Trenutne vodostaje na rijeci Savi uzvodno od granice sa BiH koji su dostupni na web stranici Hrvatskih voda,
- Rezultate prognoze padavina i vodostaja prognoznog modela za Unu-Sanu kao i platforme prognoznih modela za kompletan sliv rijeke Save.

Na svim desnim pritokama rijeke Save kao i na samoj rijeci Savi vodostaji su sa trendom opadanja. U zadnja 24 sata vodostaj na VS Slavonski Brod i VS Slavonski Šamac je opao za 6 cm. Obzirom da nisu prognozirane značajnije količine padavina u naredna tri dana može se očekivati nastavak trenda opadanja nivoa rijeke Save, što će biti uslovljeno i ispuštanjem vode iz retenzije Lonjsko polje.

Zaštitni vodni objekti su u stabilnom i funkcionalnom stanju, o čemu se brinu pravni subjekti koji provode mjere aktivne odbrane od poplava na području Posavskog kantona.

Zbog dostignutih nivoa vodostaja na vodomjernim stanicama Slavonski Brod i Slavonski Šamac na poplavnom području Odžačke Posavine još uvijek su na snazi mjere vanredne odbrane od poplava dok se u Srednjoj Posavini provode mjere redovne odbrane od poplava.

U Agenciji za vodno područje rijeke Save i dalje se u okviru redovnog dežurstva obavljaju sve aktivnosti na praćenju i obavještanju o trenutnom hidrološkom stanju a sve u skladu sa Federalnim operativnim planom odbrane od poplava (FOP).

Agencija za vodno područje rijeke Save će zbog aktuelnosti situacije i u narednom periodu kontinuirano vršiti praćenje i obavještanje o stanju vodostaja na vodotocima na vodnom području rijeke Save u FBiH.

Odjeljenje za informacijski sistem voda
Dežurni centar